

1920Ի ՇՈՒՇԻԻ ԿՈՏՈՐԱԾՆԵՐԻ ՈՂԲԵՐԳԱԿԱՆ ՀԵՏԵՒԱՆՔՆԵՐՆ ԱՐՑԱԽԻ ԹԵՄԻ ՀԱՄԱՐ

Տ. ՆԵՐՍԷՍ ԲԱԿԱՆԱՅ ԱՍՐԵԱՆ

monk-deacon@mail.ru

ՄՈՒՏՔ

Հայ ժողովրդի պատմության ընթացքում Ի. դարի յատկապես առաջին տասնամեակները ամենաբարդ ու մուայլ շրջաններից են: Յեղափոխական շարժումների, ազգամիջեան բախումների, Առաջին Աշխարհամարտի, օտար պետութիւնների քաղաքական շահերին պարբերաբար զոհ գնալու ողբերգական հետեանքները հայութեանը բերեցին նորանոր անլուր գրկանքներ, տեղահանութիւններ, գաղթ եւ հայրենազրկում, կոտորածներ ու ցեղասպանութիւն, մարդկային, տարածքային, հոգեւոր ու նիւթական արժէքների հսկայական եւ մեծամասամբ անվերականգնելի կորուստներ: Այդ տասնամեակները ծանրագոյն փորձութիւններով լի տարիներ էին նա- եւ արցախահայութեան համար, փորձութիւններ, որոնք առաւել ծանրա- ցան 1918ին եւ իրենց գազաթնակէտին հասան 1920ին: Թուրքիայի համաթուրքական ու համիսլամական քաղաքականութեան օժանդակու- թեամբ ձեւաւորուած եւ նաւթի գործօնի շնորհիւ սեփական շահերն առաջ տանող կովկասեան թաթարների նորաստեղծ Ադրբեջան պետութիւնը զաւթողական նկրտումներ ի յայտ բերեց պատմական հայկական մի շարք երկրամասերի, այդ թում եւ Արցախի հանդէպ:

Ինչպէս յայտնի է, ցարական Ռուսաստանում վարչատարածքային բա- ժանումը կատարուել էր ոչ-էթնիկ յատկանիշներով՝ «բաժանիր եւ տիրիր» սկզբունքի կիրառումով, թոյլ չտալու համար իր գերիշխանութեան ներքոյ գտնուող ազգերի միաւորումն ու անջատողական տրամադրութիւնների ի յայտ գալը: 1917ին ռուսական կայսրութեան փլուզումից յետոյ էլ մինչեւ 1918ի Մայիսի աւարտին Անդրկովկասեան Սէյմի արծակւումը, Արցախը մտնում էր Ելիզաւետպոլի նահանգի կազմի մէջ: Ադրբեջանի կառավարութիւնն այս պայմաններում հռչակեց Բաքուի եւ Ելիզաւետպոլի նահանգները նորաստեղծ Ադրբեջանի Դեմոկրատական Հանրա- պետութեան կազմի մէջ մտցնելու մասին: Ադրբեջանն այդպիսով ձգտում էր բռնազաւթել Հայաստանի պատմական տարածքները՝ Ղարաբաղն ու Զանգեզուրը, որտեղ գերակշռում էր հայ բնակչութիւնը: Ադրբեջանն իր զաւթողական ծրագրերը նախ փորձում էր կեանքի կոչել Թուրքիայի օգ- նութեամբ: Սակայն 1918ի Հոկտեմբերի 31ին Թուրքիան ճանաչեց կրած պարտութիւնը Ա. Աշխարհամարտում եւ ստիպուած եղաւ ետ քաշել իր զօրքերը նաեւ Այսրկովկասից: Արդէն Դեկտեմբերին նրանց տեղը գրաւե- ցին բրիտանացիները, որոնք էլ բացարձակ տէր ու տիրական դարձան տարածաշրջանում: Ադրբեջանի կառավարութիւնը այս անգամ էլ փորձեց

նրանց օգնությամբ նուաճել Արցախը: Բաքուի նապին տիրանալու եւ Ադրբեջանը հակառուսական յենակէտի վերածելու ծրագրերով տարուած բրիտանացիք լիակատար աջակցութիւն էին ցուցաբերում Ադրբեջանի զաւթողական քաղաքականութեանը: Սակայն Մայր Հայաստանին միատրուիլ ձգտող արցախահայութիւնը 1918-20ին օրհասական պայքար մղեց պահպանելով փաստացի անկախ կարգավիճակ. «Ադրբեջանի խան-բէկական, մուսաաթական կառավարութիւնը 3-4 փարոսայ ընթացքում բազմաթիւ եւ բազմապիսի միջոցների դիմեց՝ իրեն ենթարկելու մի բոտ ըմբոստ... ժողովրդի՝ արհամարհելով նրա ազգային արժանապատուութիւնը... սակայն նրա ճիգն ու ջանքը ի դերեւ անցան»¹: Արցախահայութեան ութերորդ համագումարը (1920 Փետրուար 28-Մարտ 4) վճռականապէս մերժեց Ադրբեջանի գերիշխանութիւնն ընդունելու պահանջը եւ յայտարարեց, որ բռնութիւնների շարունակուելու պարագային դիմելու է ինքնապաշտպանութեան:

Ադրբեջանը վճռում է գէնքի ուժով վերջնականապէս գրաւել Արցախը եւ Զանգեզուրը: Ադրբեջանական կողմի պատրաստութեանն ի պատասխան հայկական կողմը որոշեց զինուած ապստամբութեան միջոցով կազմակերպել ինքնապաշտպանութիւն: Սակայն Հայաստանի Հանրապետութեան հիմնուած վիճակը, հայութեան մէջ միջկուսակցական ու միջանձնային տարակարծութիւնները, ապստամբութեան որոշ կազմակերպիչներին անփորձութիւնը, համակարգուած ու համաձայնեցուած գործողութիւնների պակասը եւ մի շարք այլ գործօններ լրջընդոտներ դարձան լիարժէք ինքնապաշտպանութիւն կազմակերպելու գործում: Մարտի 20ին արցախահայութեան դահիճ, «Ղարաբաղի գեներալ նահանգապետ» Խոսրովբէկ Սուլթանովը երեք օր պայմանաժամ է տալիս հայերին՝ գէնքը յանձնելու համար, որի մերժումն էլ դառնում է յարձակման առիթը:

Մարտի 22ի լոյս 23ի գիշերն սկսուեց Ադրբեջանի լայնածաւալ յարձակումը Արցախի եւ Զանգեզուրի հայութեան վրայ: Ողբերգական իրադարձութիւնների կիզակէտը դարձաւ հայկական Շուշին:

ՇՈՒՇԻԻ ԳՈՂԳՈՐԾԱՆ

Ինչպէս ամբողջ Արցախում, Շուշիում եւս ադրբեջանական յարձակումը նախապէս ամենայն մանրամասնութեամբ ծրագրուած ու պատրաստուած էր: Սուլթանովի որոշմամբ 1920 Մարտի 1ից Շուշիի բնակիչներին արգելւում է դուրս գալ քաղաքից: Ցուցակագրում են բոլոր հայ սպաները, որոնք կարող էին գնալ շրջաններ եւ կազմակերպել ինքնապաշտպանութիւնը: Մահմեդական ամանորի՝ «նովրուզ բայրամի» տօնական շքերթին մասնակցելու պատրուակով Շուշի էին բերուել կանոնաւոր բանակի յաւելւեալ զօրամասեր եւ թուրք-թաթարական ու քրդական զինուած հրոսակախմբեր: Նոյն օրերին Սուլթանովի հրամանով քաղաքի հայկական թաղամասերի կարետոր դիրք ունեցող մի շարք տներում տեղատրում են ադրբե-

ջանական բանակի սպաներ՝ իրենց ենթակայության ունենալով երկու-երեք գինտորներ: Լուցկի ու նաթ էր բաժանուել մահմեդական բնակչությանը՝ կոտորածն սկսելուն պէս հայերի տները հրդեհելու համար²:

Հայերին գինաթափելու համար Մարտի 22ին Սուլթանովի հրամանով գինտորական պահակներն սկսում են շրջել Շուշիի հայկական մասը եւ բնակարանները խուզարկել: Հենց այս խուզարկութիւնների ժամանակ էլ տրում է կոտորածն սկսելու կայծը.

Այսպիսի մի պահակ թուրք սպայի գլխատրութեամբ ներս է խուժում մի հայ ընտանիք եւ պահանջում զէնքը: Տաքարին հայ երիտասարդի ներկայութեամբ թուրք սպան գոռոզ տոնով քստմնելի առաջարկութիւն է անում երիտասարդի գեղեցիկ հարսին եւ կամենում նրան ծնոջ տալ: Երիտասարդը, չհանդուրժելով նման խայտառակութիւն, ատրճանակով տեղն ու տեղը գնդակահարում է սպային: Ասկեարները, ի պատասխան սպանում են երիտասարդին, նրա հարսին, մօրը, քրոջը եւ աղաղակներով դուրս եկնում, թրջական ուժերին հաաարի կանչում, թէ հայերը կոտորում են թուրքերին: Սկսում են հրածգել հայերի տները եւ այդպիսով կոտորածը սկսում է³:

Արխիային վաւերագրերում, օրուայ մամուլում եւ ականատեսների ու ժամանակակիցների յուշագրութիւններում առկայ են բազմաթիւ վկայութիւններ, որտեղ ներկայացուած են Շուշիի մարտեան եղեռնագործութեան ահասարսուտ դրուագները: Առանց տարիքային ու սեռային տարբերութիւնների՝ կտտանքների են ենթարկում, բռնաբարում, գերեվարում, սպանում հազարաւոր հայեր: Թալանում է հայերի ամբողջ ունեցուածքը, հրդեհում եւ անբռնկների են վերածում հայկական թաղամասերը: Դարերով ստեղծուածը հաշուած ժամերի ընթացքում լիովին ոչնչացում է:

Շուշիում տեղի ունեցածը 1915ին իր զագաթնակէտին հասած Հայոց Ցեղասպանութեան հերթական արիւնայի փուլն էր, որն ընդմիջտ փոխեց «հայկական փոքրիկ Փարիզի» ճակատագիրը՝ կասեցնելով նրա բնականոն զարգացումը:

Ողբերգական այդ իրադարձութիւններից շուրջ վեց տարի անց Շուշի այցելած Մարիէտա Շահինեանը սարսուռով է նկարագրում ուրուական քաղաքի վերածուած հայկական թաղամասերը.

Առաջին բանը, որ ինձ ապշեցրեց, լռութիւնն էր: Այդպիսի սարսափելի, արհեստական լռութիւն ես երբեմէ չէի զգացել: Ցանկարծ թում է, թէ լռութիւնը մղձոթում է. քարերը շնկշնկում են, շարժում ու սօսափում են, եւ մազերդ բիգբիգ են կանգնում: 1920 թուականի Մարտին այստեղ երեք օրում անբել ու կրակի են մատնել 7000 տուն, ու մորթել են՝ ոմանք ասում են 3-4 հազար հայ, ոմանք՝ 12 հազարից անելի: Փաստ է, որ 35 հազար հայերից Շուշիում ոչ ոք չէր մնացել: Ինչ-որ տեղ առում դեռ կարելի է տեսնել կանացի մազափնջեր՝ լերդացած սեւ արիւնով պատում: Երեւակայութիւն ունեցող մարդն այստեղ դժուար է շնչում. քայլում ես, քայլում, քայլում համատարած ամխացած շէնքերի շարքով, անելի ճիշտ՝ պատերի կտորներով, շտապում ես, վախենում, թէ երբեք դուրս չես գալ⁴:

ԱՐՅԱՆԻ ԳԼԽԱՏՈՒԱԾ ԹԵՄԸ

Հայ Առաքելական Եկեղեցու պատմությունն ամբողջովին համահունչ է հայ ժողովրդի պատմությանը: Յիրաի, հայ ժողովրդի կենսքում արձանագրում Կատմական կարեւորագոյն իրադարձութիւններն իրենց ուղղակի դրսեւորումներն են ունեցել նաեւ Հայ Եկեղեցու իրականութեան մէջ: Բնականաբար բացառութիւն չէ նաեւ Շուշիի ցեղային մաքրագործումը, որի ընթացքում ծանրագոյն կորուստներ ունեցաւ Արցախի թեմը:

Կոտորածից օրեր անց մամուլում լուրեր յայտնուեցին, որ դաժանաբար սպանուել են նաեւ Արցախի թեմի առաջնորդ Վահան Եպիսկոպոս Տէր Գրիգորեանը եւ Շուշիի քահանաները⁵: Ապրիլի 16ին ՀՀ արտաքին գործերի նախարարին ուղղուած իր զեկոյցում Աղոթեցանում Հայաստանի դիւանագիտական ներկայացուցիչ Մարտիրոս Յարութիւնեանը, Շուշիի կոտորածի վերաբերեալ տեղեկութիւններ յայտնելիս, մէջբերումներ է կատարում իր տրամադրութեան տակ յայտնուած միջանի նամակներից, որոնց հեղինակները ոճրագործութեան անմիջական մասնակից թուրքեր էին: Նամակներից մէկում մասնատրապէս ասում է. «Հազարից աւելի հաւեր գերի բռնուեցին, տղամարդկանց բոլորին կոտորեցին, մինչեւ անգամ աւերարանը, խալիֆին (եպիսկոպոսին), բոլոր մեծամեծ մարդկանց.... Նշանատր հայերին գլուխները կտրած բազարներում՝ պարտեցնել էին տալիս սպանելուց յետոյ»⁷:

Շուշիի կոտորածի եւ եկեղեցականների կորուստների լուրերի իսկութիւնը հաստատում է նաեւ Գանձակի առաջնորդական փոխանորդ Լեւոն վարդապետ Պսէրեանը՝ Ապրիլի 21ին հոգեւորականներից մէկին ուղղուած իր նամակում, եւ յաւելում. «Այսպէս երկար ժամանակ անհաւաք մնացինք այս տեղեկութիւնների հանդէպ, որոնք աւելի եւ աւելի յամառում են, համարելով դրանք պոռպոկացիա»⁸: Գանձակի շրջակայքի հայ գիւղերի զինաթափութիւնը դիւրացնելու եւ հայ ժողովուրդը խեղճացնելու նպատակով: Անձնապէս ինքս դեռեալ չեմ ուզում հաւատալ, մինչեւ իսկ մի ռուս պաշտօնեայ ինձ յանձնեց մի բանալի, ըստ երեւոյթին եկեղեցու, որը նա գտել է հայոց մասում եւ տեսել մի հայ քահանայի դիակ՝ ի շարս այլ սպանուածների»⁹:

Շրջանառուող լուրերը խոր տագնապ են պատճառում Գեորգ Ե. ամենայն հայոց կաթողիկոսին: Վեհափառ հայրապետի հրահանգով հայրապետական դիւանը Ապրիլի 17ին նամակով դիմում է Վրաստանի թեմի առաջնորդ Մխիթար Եպիսկոպոսին. «Նկատի ունենալով, որ Դուք ըստ ամենայնի հնարատրութիւն կ'ունենաք այդ տիտղոս լուրը ստուգելու՝ Նորին Արքութիւնը հրամայեց դիւանիս գրել Գերապարտութեանդ ստուգելու ինչպէս այս, նոյնպէս եւ Շուշի քաղաքի կոտորածների լուրերը

եւ իսկութիւնը, ամենայն մանրամասնութեամբ հաղորդել դիւանիս՝ զեկուցանելու Նորին Սրբութեանը»¹⁰:

Պատասխան նամակում Մխիթար սրբազանը յայտնում է. «....ցաւ ի սիրտ՝ ամենախոնարհաբար զեկուցում եմ Ձերդ Սրբութեան, որ թուրքերը, վերցնելով Շուշին, աներել եւ ոչնչացրել են քաղաքի հայկական մասը, կոտորելով առանց սեռի եւ հասակի խորրութեան մօտ 5000 հայ»¹¹, որոնց թում թեմակալ առաջնորդ Տ. Վահան սրբազան եպիսկոպոսին, որի գլուխը կտրելով բարբարոսաբար շրջեցրել են քաղաքում ի տես գազանացած խուժանի: Սպանուած են եւ բոլոր քահանաները, քաջառութեամբ Տ. Գաբրիէլ¹² քահանայ Տ. Յովհաննիսեանի, որը քանտրից փախչելով՝ մահուանից ազատուել է»¹³:

Արցախի թեմակալ առաջնորդի եւ թեմի հոգեւորական ու աշխարհիկ ծառայողների սպանութեան, ինչպէս նաեւ թեմի կրած նիւթական կորուստների եւ այլ արհաւիրքների մասին առաւել ընդարձակ ենք զադափար ենք կազմում թեմի կոնսիստորիայի¹⁴ անդամ Կարապետ քահանայ Վարդապետեանցի եւ ատենադպիր Միրզա Տէր Սարգսեանի՝ Մայիսի 15ին ամենայն հայոց կաթողիկոսին ուղղուած զեկոյցից. «Վահան եպիսկոպոսը սպանուեց առաջնորդարանում, չկամենալով դուրս գալ: Վահան եպիսկոպոսի սպանութեան մասին մեզանից յետոյ դուրս եկած հայ ոստիկանապետ Աւետիք Տէր Ղուկասեանը պատմում է, որ նոյն օրը երեկոյեան ժամը 10ին ինքը կարողացել է մտնել Սրբազանի մօտ եւ յայտնել, թէ այլեւս հնար չկայ մնալու, պէտք է կամ փախչել, կամ մի կերպ ընկնել Սուլթանօղլի մօտ: Սրբազանը պատասխանել է, թէ առաջնորդարան եւ կոնսիստորիա չեմ թողնիլ եւ չդուրս գալ, եւ ...յամառում է ու նստում»: Կէս ժամ չանցած բարբարոսները ներխուժում են առաջնորդարան եւ դաժանօրէն սպանում Վահան սրբազանին եւ առաջնորդարանում գտնուող թեմական ծառայողներին ու նրանց ընտանիքներին: Ինքը՝ Աւետիք Տէր Ղուկասեանը, կարողանում է արդէն հրդեհուած առաջնորդարանի պատուհաններից մէկից ցած նետուել ու մի կերպ փախչել:

Զեկոյցի հեղինակները յայտնում են, որ կոտորածներին զոհ են գնացել նաեւ թեմական վարչութեան գրեթէ բոլոր անդամները.

Կոնսիստորիայի կողմից սպանուած են՝ անդամ Խորէն Ա. Քահ. Իսկանդարեանը, կարգապահ Անանիա Տէր Դանիէլեանը եւ դիւանապահ Յովհաննէս Ղարաբէկեանը: Քահանաներից սպանուած է Յարութիւն Ա. Քահ. Վարդապետեանը, իսկ Գարեգին Ա. Քահ. Յովհաննիսեանն ազատուել է քանտրից կիսամեռ դրութեան մէջ եւ միանգամայն մերկ. սպանուած են թեմ. դպրոցի տեսուչ Աղ. Ծառուրեանը, ուսուցիչ Գաբրիէլ Ղուիքեւիսայեանը, հոգաբարձու Անդրեաս բէկ Տէր Յարութիւնեանը, Ղուկասեան ուսումնարանի տեսուչ Բժ. Նիկողայոս Եսրամիշեանը եւ այլն: Այսպէս ահա չկայ հոգեւոր վարչութիւն եւ մնացել ենք մի անդամ ու մի ատենադպիր, մերկ ու քաղցած, կոչուած է ժամանակաւոր մարմին գործերը վարելու¹⁵:

Քահանաներից մէկի սպանութեան մանրամասները նկարագրում է շուշեցի Զարեհ ՄելիքՇահնազարեանը՝ մէջքերելով կոտորածների դժոխքով անցած մէկ այլ շուշեցու՝ Տաթևիկ ՏէրՍահակեանցի յուշերը: Վերջինս, ներկայացնելով գերեվարուած հայերի նկատմամբ իրագործուած ոճիրները, իր խօսքի շարունակութեան մէջ պատմում է.

Այնուհետեւ սկսում են հաշունչարդար տեսնել գերի տղամարդկանց եւ պատանիների հետ, որոնց նախօրօք կապկպել էին: Նրանց հերթով բերում էին կաշու: գոգնոցով դահճի մօտ, որը, սուր դանակը ձեռքին, նստած էր այթողին: Առաջինը նրա մօտ բերեցին գեղեցկահասակ երկարամօրուք քահանայ Տէր Յարութինին: Նրա ձեռքերը կապուած էին թիկունքին, ոտքերը՝ շղթայուած: Դահիճը նրան գցում է մէջքի վրայ, գլուխը դնում ծնկանը, յետոյ բռնում մօրուքը եւ ցուցադրաբար սուր դանակով ...: Յետոյ թուրքերը քահանայի գլուխը ցից են հանում եւ տանում քաղաքի թաթարական թաղամասի փողոցներով պատեցնում¹⁶:

Հսկայական էին նաեւ Արցախի թեմի կրած նիւթական կորուստները: Կարապետ քահանայ Վարդապետեանցի եւ ատենադպիր Միրզա Տէր Սարգսեանի վերոնշեալ զեկոյցում ամփոփ կերպով ծանուցում է. «Առաջ-նորդարանը, թեմական դպրոցը, եկեղեցիները թալանուած են, ապա այ-րուած: Կոիւր սկսուելով առաւօրեան ժամը 5ին՝ հնարաւորութիւն չի եղել կոնսիսպորիայից ոչ մի դոկումենտ, ոչ մի գործ ու գանձ ազարել, նոյն-պէս եւ եկեղեցիներից»¹⁷: Լիարժէք գնահատել հասցուած վնասը՝ պարզա-պէս անհնար է: Ամբողջ գոյքը, եկեղեցական պարագաները, արուեստի գործերը, գրականութիւնը, փաստաթղթերը կողոպտուել կամ ոչնչացուել են: Թէկուր միայն այն փաստը, որ Շուշին 1830ականներից իվեր Հայ Ա-ռաքելական Եկեղեցու Արցախի թեմի հոգեւոր կենտրոնն էր¹⁸, եւ այնտեղ բնականաբար կենտրոնացուած էր վերոնշեալ արժէքների մի զգալի մա-սը, որոշակիօրէն յուշում է, որ կորուստների չափերն իրօք բաւականին մեծ են եղել:

Ողբերգական այս իրադարձութիւնների հետեանքով Հայ Եկեղեցու կրած կորուստների շարքում արձանագրուեց նաեւ եւս մէկ առանձնաշա-տուկ կորուստ: Կուսանոցները Հայ Առաքելական Եկեղեցում հազուադէպ երեւոյթներ են: 1816ից Շուշիում գործում էր Կուսանաց Անապատը, որը Նոր Զուղայի Ս. Կատարինէ եւ Թիֆլիսի Ս. Ստեփանոս վանքերի հետ միասին պահպանում էր Հայ Եկեղեցու կանանց մենաստանների մոռաց-ուած ամանդոյթները: Այս ոճրագործութիւնների հետեանքով վերջ դրուեց նաեւ բացառիկ այս երեւոյթի գոյութեանը¹⁹:

Այսպիսով, ամփոփելով վերոնշեալը, կարող ենք հաստատել թէ 1920ի Շուշիի ցեղասպանութեան հետեանքով Արցախի թեմն ուղղակի գլխատուեց, ինչպէս բառացիօրէն (թեմակալ առաջնորդի եւ հոգեւոր իշխանութեան ներկայացուցիչների օրինակով), այնպէս էլ աւելի լայն,

փոխաբերական իմաստով: Շուշիի անկումը փաստացիորեն նաեւ Արցախի թեմի հոգեւոր կենտրոնի ոչնչացումն էր:

ԿՈՐՈՒՍՏՆԵՐԻ ՃԱԿԱՏԱԳՐԱԿԱՆ ՀԵՏԵՒԱՆՔՆԵՐԸ

Արցախի թեմի անդառնալի կորուստներն իրենց ծանրագոյն հետեւանքներն ունեցան թեմի յետագայ ճակատագրի վրայ: Հենց միայն թեմի առաջնորդի սպանութիւնը մեծ հարուած էր Արցախին ու նրա թեմին: Բարդաղոյն ժամանակահատուածում (1916-20) թեմի հոգեւոր տեսչութիւնն ստանձնած Վահան Եպիսկոպոս ՏէրԳրիգորեանը²⁰, զուտ հոգեւոր առաջնորդի իր կարգավիճակից բխող կարեւորութիւնից զատ, իր անձնական բարձր յատկանիշների եւ անսահման հայրենասիրութեան շնորհիւ մեծ հեղինակութիւն էր ոչ միայն եկեղեցական ասպարէզում, այլ նաեւ արցախահայութեան հասարակական-քաղաքական կեանքում: Լինելով Արցախը Մայր Հայաստանին միաւորելու ամենաեռանդուն ջատագովներից մէկը՝ սրբազանը կարեւորագոյն տարբեր գործընթացներում գործուն ներկայութիւն եւ առանցքային դերակատարում ունէր. բանակցում էր Ադրբեջանի կառավարութեան եւ անգլիական առաքելութեան հրամանատարութեան հետ՝ փորձելով ապահովել իր հոգեւոր հօտի անվտանգութիւնը, մասնակցում էր արցախահայութեան համագումարներին, ինքնապաշտպանական գործողութիւնների կազմակերպմանը, փորձում էր հարթել ներքաղաքական կեանքում տարակարծութիւններն ու պահպանել արցախահայութեան միասնականութիւնը եւն.²¹: Իսկ զուտ հոգեւորականին նրա կերպարը ժամանակակիցները բացառապէս մեծագոյն դրուատանքով են բնորոշում. «*Եկեղեցասէր, դպրոցասէր, անաչառ եւ շիրտակ պաշտօնեայ եկեղեցու եւ իր առաջնորդական կառավարութեան... վերին աստիճանի մաքրութեան եւ բարոյականութեան*» տէր եւն.²²: Իսկ ժամանակակիցներից Եղիշէ Իշխանեանը յետագայում գրում է. «*Շաբ համեսլը մարդ էր Վահան Սրբազանը եւ յարգուած ժողովրդի կողմից... բարի, անբասիր վարքի արէր եւ եկեղեցուն նուիրուած մարդ*»²³: Եւ, ըստ էութեան, հոգեւոր քաջ հովուի իր նկարագիրը Վահան սրբազանը պսակեց մարտիրոսական վախճանով՝ հրաժարուելով փախուստի կամ առաւել եւս Սուլթանովի ողորմածութեանն ապահիւնելու միջոցով սեփական կեանքը փրկելու որեւէ փորձից:

Նման արժանատի առաջնորդից ու նրա կազմած թեմական վարչութիւնից զրկուելով՝ Արցախի գլխատուած թեմն անկարող գտնուեց դիմադրելու Ադրբեջանի հակահայկական ու հակաեկեղեցական քաղաքականութեանը: Նշեալ իրադարձութիւններից մէկ ամիս չանցած՝ Ապրիլի 28ին Ադրբեջանը խորհրդայնացուեց, իսկ մուսաաթական պարագլուխները մի ակնթարթում վերածուեցին բոլշեւիկ յեղափոխականների: Սակայն այս գունափոխութիւնը որեւէ կերպ չփոխեց Ադրբեջանի հակահայկական գաւթողական քաղաքականութիւնը: Աւելին, այն, ինչ որ նախորդ

տարիներին ցաջողուեց Ադրբեջանին (Թուրքիայի եւ արեւմտեան երկրների (մասնատրապէս անգլիացիների) ամենալայն ճակացութեան պայմաններում, ի կատար ածուեց Խորհրդային Ռուսաստանի օգնութեամբ. Արցախը բռնակցուեց Ադրբեջանին: Արցախի բռնախուրացման հարցերի վերջնական լուծման համապատկերում Ադրբեջանի համար պակաս կարեւոր չէր նաեւ իր զաւթողական ծրագրերի համար իրական վտանգ ներկայացնող անձանց ու հաստատութիւնների չեզոքացումն ու ոչնչացումը: Ռուսի բնական է, որ ադրբեջանական իշխանութիւնների համար իրենց ազդեցութեան ոլորտից դուրս՝ Մայր Աթոռ Ս. Էջմիածնից կառավարուող եւ ազգային-ազատագրական պայքարի օջախ լինելու փառապանծ ասանդոյթներ ունեցող Արցախի թեմը առաջնահերթ թիրախ էր դիտարկուում: Իսկ Խորհրդային Միութեան որդեգրած հակակրօնական ու հակաեկեղեցական պայքարն ուղղակի անսահմանափակ դաշտ էր բացում Արցախի թեմի նկատմամբ Ադրբեջանի սանձարձակ քաղաքականութեան համար:

Վահան սրբազանի սպանութիւնից յետոյ երկու տարի շարունակ Մայր Աթոռ Ս. Էջմիածինը չէր կարողանում Արցախում թեմակալ առաջնորդ նշանակել: Այդ երկու տարիների ընթացքում ադրբեջանական իշխանութիւններին յաջողուեց գրեթէ կազմալուծել Արցախի թեմը. արդէն 1922ին թեմի մեջ մտնող 159 բնակավայրերից 27ը չունէին եկեղեցի, քահանաներ ունէին միայն 39ը²⁴: Համեմատութեան համար նշենք, որ 1914ի տեղեկագրի համաձայն Արցախի թեմն ունէր 222 գործող եկեղեցի եւ 188 քահանայ²⁵: Վիճակագրական այս թուերը կտրուկ նուազեցին յատկապէս 1920ից սկսած:

1922 Մարտի 27ին Գէորգ Ե.ի հայրապետական տնօրինութեամբ Անանիա արքեպիսկոպոս Համազասպեանը²⁶ նշանակուեց Արցախի թեմի առաջնորդ: Դժոխսային պայմաններում երկու տարուայ պաշտօնավարումից յետոյ եօթանասունամեայ առաջնորդը ստիպուած եղաւ 1924 Մայիսի 27ին հրաժարական ներկայացնել: 1925ին Գէորգ Ե. ամենայն հայոց կաթողիկոսի տնօրինութեամբ Մայր Աթոռ Ս. Էջմիածնի միաբան Վրթանէս ծայրագոյն վարդապետ (1928ից՝ եպիսկոպոս) Յակոբեանը²⁷ նշանակուում է Արցախի թեմի առաջնորդ: Չնայած Մայր Աթոռի եւ Արցախի թեմի առաջնորդի գործադրած հերոսական բոլոր ջանքերին՝ Ադրբեջանի իշխանութիւնների բռնութիւնները հասան իրենց գագաթնակէտին՝ հանգուցալուծուելով 1933ին Արցախի թեմի վերջնական փակումով²⁸: Յետագայ տարիներին Արցախում հոգետր-եկեղեցական կեանքի վերականգնման բոլոր ջանքերը կտրականապէս կասեցուեցին Ադրբեջանի կողմից՝ ընդհուպ մինչեւ 1980ականների վերջ, Արցախը վերածելով Հայ եկեղեցու եւ հոգետրականութեան համար փակ տարածքի: Բազմաթիւ վանքեր, եկեղեցիներ ու մատուռներ կա՛մ լիովին ոչնչացուեցին կա՛մ էլ վերածուեցին կրթական-մշակութային նշանակութեան շինութիւնների, պահեստների,

անասնազոմների ... Առաել յայտնի կոթողները «աղուանականացնելու» եւ «աղրբեջանականացնելու» աճաբարութիւններով յայտարարուեցին «աղրբեջանական յուշարձաններ»²⁹: 1920ին աւերակուած Շուշիում այրուած ու թալանուած, քայց դեռեւս կանգուն մնացած եկեղեցիները յետագայ տարիներին աստճանաբար վերացան երկրի երեսից. իսպառ ոչնչացուեցին Ագուլեցուց եկեղեցին ու Կուսանաց Անապատը, Մեղրեցոց եկեղեցուց մնաց միայն խորանի հատուածը, որն աղրբեջանցիները վերածնցին բացօթեայ կինօղիտումների բեմի: Պղծուեցին նաեւ հրաշքով կանգուն մնացած երկու եկեղեցիները՝ Ս. Յովհաննէս Մկրտիչ (Կանաչ ժամ) եկեղեցին աղրբեջանցիները հանքային ջրերի ըմպելաստահ էին դարձրել³⁰, իսկ Խոյակերտ Ղազանցեցոց Ս. Ամենափրկիչ տաճարի կիրառման վերջին եղանակն իբրեւ զինապահեստ ծառայեցնելն էր:

Այսպիսով, կարող ենք հաստատել, որ 1920ի Շուշիի ցեղասպանութիւնը «սկիզբն էր երկանց», արիւնոտ այն ելակէտը, որով սկսուեց Աղրբեջանի կողմից Արցախի թեմի քայքայման եւ վերացման բուն գործընթացը:

ՇՐՋԱԴԱՐՁ

Աղրբեջանական բռնարարքների աւերիչ հետեւանքները թօթափելու եւ Արցախում հոգեւոր-եկեղեցական կեանքի վերականգնման հնարաւորութիւնն ընձեռուեց միայն արցախեան ազգային-ազատագրական պայքարի շնորհիւ: 1989ին Վազգէն Ա. ամենայն հայոց կաթողիկոսի հայրապետական տնօրինութեամբ վերաբացուեց Արցախի պատմական թեմը³¹: Իսկ 1992ին Շուշիի ազատագրումից յետոյ թեմակալ առաջնորդ Պարգեւ սրբազանի տնօրինութեամբ Արցախի թեմի առաջնորդարանը, 72 տարուայ հարկադիր բացակայութիւնից յետոյ, վերահաստատուեց Շուշիում: 2019ին Արցախի թեմը տօնեց վերաբացման 30ամեակը: Այդ 30 տարիները հոգեւոր վերածննդի, կորուստների վերականգնման եւ նոր արժէքներ ստեղծելու³² տարիներ եղան: Իհարկէ, ինչպէս քանիցս արդէն նշեցինք, կորուստների մի զգալի մասն անդառնալի են, դրանց վերականգնումը, հասկանալի պատճառներով, անհնար է:

Ամփոփելով վերոնշեալը՝ հաստատենք, որ Աղրբեջանի (մուսաւթական, խորհրդային, թէ՛ յետխորհրդային) հետ թէկուզ համակեցութեան եւ արցախահայութեան ամենաքնական իրաւունքների, անգամ կեանքի, սեփականութեան, հաւատի եւ դաւանանքի ազատութեան իրաւունքների իրագործումն անհամատեղելի իրողութիւններ են: Աստուածատուր այդ իրաւունքների իրագործումը հնարաւոր է բացառապէս սեփական անկախ պետականութեան պայմաններում:

ԾԱՆՕԹԱԳՐՈՒԹԻՒՆՆԵՐ

¹ Աբրամ Կիսիբէկեան, *Յուշեր, 1*, Երեւան, «Առապել Ինդեքս», 2011, էջ 461:

- ² Վաներագրեր Հայ եկեղեցու Պաբմութեան, Գիրք Թ., Հայ Առաքելական եկեղեցու Արցախի Թեմը (1813-1933 թթ.), կազմ. եւ առաջաբան՝ Սանդրո Բեհրուդեան, Երեւան, «Ոսկան Երեւանցի» Հրատ., 2001, էջ 813-14:
- ³ «Ոճրապատում. Թէ Ինչպէս Ակտեց Շուշու Կոտորածը», Նոր Աշխարհոր, Թիֆլիս, 16 Ապրիլի 1920:
- ⁴ Մարիետա Շահինեան, *Խորհրդային Անդրկովկաս, Գեղարուեստական Գրականութեան «Լենինգրադ» Պետական Հրատ.*, Մոսկուա, 1931, էջ 362 (ոտաերէն):
- ⁵ «Ոճրապատում. Հայկական Զարդերը Աղբրեշանում», Նոր Աշխարհոր, 14 Ապրիլի 1920. նաեւ՝ «Ղարաբաղ. Շուշու Ողբերգութիւնը», Մշակ, Թիֆլիս, 9 Մայիսի, 1920:
- ⁶ Շուկաներում:
- ⁷ Հայերի Կոտորածները Բաքուի եւ Ելիզաւետպոլի Նահանգներում 1918-1920թթ., Փաստաթղթերի եւ Նիւթերի Ժողովածու, պատ. խմբ.՝ Ամատունի Վիրաբեան, կազմ.՝ Սոնիա Միրզոյեան, Ալվարդ Ղազինեան, «Լուսաս» ՍՊԸ տպարան, Երեւան, 2003, էջ 459:
- ⁸ Սաղրանք:
- ⁹ Վաներագրեր, էջ 744-45:
- ¹⁰ Նոյն, էջ 744:
- ¹¹ Զոհերի քանակի վերաբերեալ ժամանակակիցների վկայութիւններում տարբեր թուեր են նշուել, ինչի մասին վկայում է նաեւ Շահինեանը: Արիսիային մի վաներագրում, որի տակ ստորագրել է Աղբրեշանի բանակի գլխաւոր շտաբի պետ գնդապետ Վերիլովը, ասուած է, որ Մարտի 22ին Շուշիում սպանուել է 8000 մարդ (Հրանտ Աբրահամեան, *Մարտնչող Արցախը 1917-2000, Գիրք Ա, 1917-1923*, «Զանգակ-97», Երեւան, 2003, էջ 317): Յայտնի վիճակագիր Բախշի Իշխանեանի հաշումներով միայն Շուշիում զոհուել է 8988 հայ (նոյն, էջ 186):
- ¹² Վրիպակ է, պէտք է լինի Գարեգին (ՀԱԱ, ֆ. 57, ց. 5, գ. 216, թթ. 15-16):
- ¹³ Վաներագրեր, էջ 749:
- ¹⁴ Թեմական հոգևոր մարմին՝ վարչական եւ դատական գործառնութիւնով:
- ¹⁵ Նոյն, էջ 747-48:
- ¹⁶ Զարեհ Մելիք-Շահնազարով, *Ղարաբաղեան շինտորի Գրառումներ (Լեռնային Ղարաբաղում 1918-20 թթ. Իրադարձութիւնների Մասնակցի Յուշեր)* Մոսկուա, 1995, էջ 43-44 (ոտաերէն):
- ¹⁷ Վաներագրեր, էջ 747:
- ¹⁸ Սելանիա Բալայեան, «Շուշիի Վերածումը Ղարաբաղի Հոգեւոր Կենտրոնի», «Շուշին Հայոց Քաղաքակրթութեան Օրան», Շուշիի Ազատագրման 15րդ Տարեդարձին Նուիրում Գիտաժողովի Նիւթեր, ՀՀ ԳԱԱ «Գիտութիւն» Հրատ., Երեւան, 2007, էջ 70-78:
- ¹⁹ Հերիւնէ Մկրտչեան, «Շուշիի Կուսանաց Անապատը», «Շուշին՝ Հայկական Մշակոյթի Օջախ», Հայկական Գրադպրութեան 500Ամեակին Նուիրում Գիտական Կոնֆերանսի Զեկուցումներ, «Կաճառ» Գիտական Կենտրոնի Հրատ., Շուշի, 2014, էջ 204-13:
- ²⁰ Ծնուել է 1845ին Մեղրիում: Ուսանել է Գեորգեան Ճեմարանում: Կնոջ մահուանից յետոյ մտել է վանք եւ 1887ի Ապրիլի 21ին ձեռնադրուել արեղայ: Նոյն թուականի Յուլիսի 16ին ստացել է վարդապետական աստիճան եւ

նշանակուել Արցախի թեմի Նովսիի առաջնորդական փոխանորդ՝ դառնալով նաեւ Ա. Էջմիածնի սինոդի անդամ: 1913ի Փետրուարի 27ին նշանակուել է Տաթևի վանքի վանահայր: 1916ի Ապրիլի 30ին նշանակուել է Արցախի թեմակալ: 1917ի Ապրիլի 16ին օծուել է եպիսկոպոս:

²¹ Հրանտ Արախամեան, *Արցախահայության Հասարակական-Քաղաքական Կեանքը եւ Արցախի Թեմը (1901-1933)*, Ա. Էջմիածին, Մայր Աթոռ Սուրբ Էջմիածնի Հրատ., 2009, էջ 165-99:

²² Վաներագրեր, էջ 626:

²³ Եղիշէ Իշխանեան, *Լեռնային Ղարաբաղ (1917-1920)*, «Հայաստան» Հրատ., Երեւան, 1999, էջ 140, 656: Հերթական անգամ յիշելով Վահան սրբազանին՝ Իշխանեանը խոր կակիծով գրում է. «....կրկին ու կրկին յիշեցի Ղարաբաղի անփառունակ ապստամբությունը, որի հետեանքը եղաւ Շուշու հայկական մասի ծայրէջծայր հրդեհի ճարակ դառնալը ու հիմնայապակ կործանուելը եւ կրկին պարկեղացրի, թէ ինչպէս է նահապաւնուել այն բարի ծերունին, այրուելով հրդեհուած հինատուրց առաջնորդարանի շէնքում, որպէս իր կաջարանն էր» (նոյն, էջ 657):

²⁴ Վաներագրեր, էջ 759-66:

²⁵ Արարադ, Յուլիս, 1914, էջ 637:

²⁶ Ծնուել է 1847ին: 1859ին ապրտել է Ա. Էջմիածնի հոգեւոր դպրոցը: 1871ին ձեռնադրուել է կուսակոսն քահանայ եւ հոգեւոր ծառայութեան նշանակուել Ռոսկուայում: 1873ի Մայիսի 3ին ստացել է վարդապետական աստիճան: Մինչեւ 1875ի Մայիսի 14ը եղել է Երեւանի հայոց կոնսիստորիայի անդամ: 1877ի Յունուարի 31ին ծառայութեան է նշանակուել Նոր-Քայազէտի շրջանում: Մինչեւ 1887ը եղել է Տաթևի վանքի վանահայրը, որից յետոյ հոգեւոր ծառայութիւնը շարունակել է վիրահայր թեմում: Եպիսկոպոսական ձեռնադրութիւնից յետոյ առաջնորդ է եղել մի շարք թեմներում: Առաջնորդական վերջին ծառայութիւնը եղել 1922-24ին Արցախում: Վախճանուել է 1927ի Դեկտեմբերի 18ին՝ Էջմիածնում:

²⁷ Ծնուել է 1878ին Գաառում: 1914ի Յունուարի 30ից եղել է Մայր Աթոռի գանձապահ, 1916ի Մարտի 18ից՝ Մայր Աթոռի տպարանային վարչութեան նախագահ, Յուլիսի 12ից՝ Մայր Աթոռի հիւրընկալ, Նոյեմբերի 9ից՝ վանական կառավարութեան նախագահ: 1917ի Մայիսի 30ից կրկին ստանձնել է Մայր Աթոռի գանձապահի պաշտօնը: 1925-33՝ եղել է խորհրդային շրջանում Արցախի թեմի վերջին առաջնորդը՝ կրելով բազում զրկանքներ ու հալածանքներ: Թեմի փակումից յետոյ էլ, հակառակ հորդէն Ա. Սուրադբէկեան կաթողիկոսի ու Մայր Աթոռի թորոք ջանքերի, խորհրդային իշխանութիւնները թոյլ չեն տուել Վրթանէս սրբազանին եկեղեցական ասպարէզում որեւէ պաշտօն զբաղեցնել: Վախճանուել է 1943ին:

²⁸ Գարիկ սարկլապազ Արեւան, «Խորհրդային Աղրբեջանի Բոնաճնշումները եւ Արցախի Թեմի Փակումը (1920-1933)», *Հայկազեան Հայագիտական Հանդէս, Հալորր ԼԶ.*, Պէլրոյթ, 2016, էջ 317-48:

²⁹ Տ. Ներսէս Քահանայ Արեւան, «Արցախի Փակում Թեմի Պատմութիւնից (1933-1988)», *Հայկազեան Հայագիտական Հանդէս, Հալորր ԼԷ.*, Պէլրոյթ, 2017, էջ 245-76:

³⁰ Շահին Մկրտչեան, Շիրու Դափեան, *Շուշի. Ողբերգական Ճակարագրի Քաղաքը*, «Գասպրինտ», Երեւան, 2008, էջ 30-32:

³¹ Տ. Ներսէս Քահանայ Արեւան, «Արցախի Վերաբացումը Թեմը Խորհրդային Միութեան Վերջին Տարիներին (1988-1991)», *Հայկազեան Հայագիտական Հանդէս, Հալոյր ԼԸ.*, Պէյրութ, 2018, էջ 509-28:

³² Ամենալաո վկայութիւնը Ստեփանակերտի Ա. Աստուածամօր Հովանի փառահեղ մայր եկեղեցու կառուցումն է, որի օձման եւ բացման արարողութիւնը կատարուեց Գարեգին Բ. ամենայն իայոց կաթողիկոսի ձեռամբ 2019ի Ապրիլի 7ին՝ Արցախի թեմի վերաբացման 30ամեակի առիթով:

THE TRAGIC CONSEQUENCES OF
THE 1920 SHUSHI MASSACRES ON THE DIOCESE OF ARTSAXH
(Summary)

FATHER NERSES ASRYAN
monk-deacon@mail.ru

On the night of March 22-23, 1920, Azerbaijan carried out a large-scale, preplanned offensive against the Armenians of Artsakh and Zangezur. Shushi became the hotspot of these tragic events. The Azerbaijani regular army and a mob armed by the Azerbaijani authorities massacred large numbers of Armenians in Artsakh and its capital, the 35.000-strong Shushi. Thousands of Armenians were tortured, raped, mutilated and killed without distinction as to age or gender. At the end of the butchering between 5000 and 12,000 Shushi Armenians were killed, all Armenian property was looted, destroyed and set on fire. Indeed, life in the Armenian quarter of Shushi came to a tragic end with these massacres.

The Diocese of Artsakh also suffered immense losses due to these massacres. A report of 1914 states that the prelate had 222 functioning churches and 188 priests. Since the 1830s, Shushi had been the spiritual center of the Diocese of Artsakh. All administrative offices, as well as the bulk of the cultural, spiritual and material heritage of Artsakh were concentrated in Shushi.

Both Bishop Vahan Ter-Grigorian, the primate of the Diocese of Artsakh, and the majority of the Diocese board members were brutally murdered, and church property was looted or set on fire.

Deprived of the church leadership and spiritual center, the Diocese of Artsakh found itself in an extremely vulnerable position. The Azerbaijani authorities embarked on their second step against Artsakh, consistently intensified their repressions, and ultimately, in 1933, closed the Diocese. Up until 1988, the Armenian Apostolic Church was banned in the territory of Artsakh.

Nonetheless, thanks to the national liberation struggle, church life was restored in Artsakh and the indigenous Artsakh Armenians resumed their religious activities after a forced stop of over five decades.